



REPUBLIKA E SHQIPËRISË
AKADEMIA E SHKENCAVE
KRYESIA

Nr. 153 prot.

Tiranë, më 18. 04. 2019

URDHËR

Nr. 11 datë 18.04.2019

Për ngritjen e përbërjen e jurisë së çmimeve shkencore kombëtare vjetore për vitin 2018

Drejtuar: Jurisë së Çmimeve Shkencore Kombëtare 2018

Për dijeni: Asamblesë së ASH
Seksionit të Shkencave Shoqërore e Albanologjike
Seksionit të Shkencave Natyrore e Teknike
Sektorit të Bibliotekës dhe të Botimeve Shkencore në ASH
Sektorit të Financës

Mbështetur në Ligjin nr. 9655, datë 11.12.2006, *Për Akademinë e Shkencave të Republikës së Shqipërisë*, neni 4, pika dh; në *Vendimin e Kryesisë së ASH nr. 8, datë 28.06.2018, Për shpalljen e konkursit të çmimeve shkencore kombëtare që akordohen nga Akademia e Shkencave e Shqipërisë, edicioni i tretë (2018)* (shih http://akad.gov.al/ash/pdf/Vendim_nr_8.pdf); në Urdhrin nr. 11, datë 6 tetor 2016, *Rregullore për themelimin e çmimeve vjetore shkencore kombëtare të Akademisë së Shkencave të Shqipërisë, për mënyrën e organizimit të konkurseve, për kriteret e zgjedhjes së fituesve dhe mënyrën e shpalljes së tyre*, neni 13, *Përbërja e Jurisë* (shih <http://akad.gov.al/ash/pdf/Rregullore.pdf>)

KONSTATOJ:

Nevojën për të zbardhur përbërjen nominale të emrave të Jurisë së Çmimeve Shkencore Kombëtare vjetore për vitin 2018. Për këtë, pas kryerjen së procedurës zyrtare për përcaktimin e emrave nga institucionet pjesëmarrëse në Juri:

URDHËROJ:

Ngritjen e Jurisë së çmimeve shkencore kombëtare vjetore për vitin 2018 me këtë përbërje:

- Kryetar:** Akademik, Ethem Likaj, përfaqësues i Kryesisë së ASH-së.
- Anëtar:** Akademik Edmond Pinguli, përfaqësues i Seksionit të Shkencave Natyrore e Teknike.
- Anëtar:** Akademik i asociuar Gjovalin Shkurtaj, përfaqësues i Seksionit të Shkencave Shoqërore e Albanologjike.
- Anëtar:** Akademiqe Aurela Anastasi, përfaqësuese e SSHSHA të Asamblesë së ASH.
- Anëtar:** Akademik Floran Vila, përfaqësues i SSHNT të Asamblesë së ASH.
- Anëtar:** Akademik Dhimitër Haxhimihali, përfaqësues i akademikëve mbi 75-vjeç
- Anëtar:** Robert Dumi, përfaqësues i Agjencisë së Kërkimit Shkencor dhe Inovacionit pranë Ministrisë së Arsimit.
- Anëtar:** Redi Shtino, përfaqësues i Ministrisë së Arsimit, Rinisë dhe Sportit
- Anëtar:** Prof. dr. Adrian Civici, përfaqësues prej rrjetit të universiteteve private shqiptare UET, gjegjësisht nga shkencat shoqërore.
- Anëtar:** Prof. dr. Andrea Maliqari, përfaqësues prej rrjetit të universiteteve shqiptare me titull *Profesor*, gjegjësisht nga shkencat teknike-natyrore
- Anëtar:** Sokol Gjoka, përfaqësues i Komisionit Kombëtar të UNESCO-s pranë Ministrisë së Punëve të Jashtme.
- Anëtar:** Prof. Enver Hysa, përfaqësues i Komisionit Kombëtar të AIESEE.
- Anëtar:** Andi Rrëmbeci, përfaqësues i Akademisë së të Rinjve pranë ASH.

2. Juria do të përcaktojë fituesit e çmimeve shkencore vjetore kombëtare si më poshtë:

- Çmimin *Eqrem Çabej*, për veprat më cilësore origjinale monografike në shkencat shoqërore dhe albanologjike (1 - (një) fitues);
- Çmimin *Petrit Radovicka*, për veprat, projektet apo patentat e regjistruara më të rëndësishme në shkencat natyrore dhe teknike. (1 - (një) fitues)
- Çmimin *e karrierës akademike*, për merita jetësore në të dyja fushat e përmendura, që do të jepet duke iu referuar vlerësimit retrospektiv të rezultateve në kërkimin akademik-universitar, me rëndësi për shkencën shqiptare dhe jetën e vendit (1 - (një) fitues);

- Çmimin për *studiuesin e ri më të suksesshëm*, që do të përzgjidhet prej brezit më të ri të kërkueve qysh në fillimet e punës së tyre shkencore (2 (dy) – fitues, nga një për secilin seksion.

3. Vlerësimi i kandidatave bazohet në standartet ndërkombëtare të vlerësimit dhe në parametrat bazë të *ekselencës*.
 4. Secili prej çmimeve ka vlerë financiare, e cila përcaktohet në urdhërin për shpalljen e fituesve dhe organizimin e ceremonisë së çmimeve shkencore 2018. Fituesit e çmimeve pajisen me diplomë dhe me emblemën e çmimeve.
 5. Juria shpall jo më vonë se fundi i muajit prill 2019 listën e plotë të konkurrentëve dhe listën me të nominuarit për secilin prej çmimeve, jo më shumë se katër prej tyre për çdo çmim; si dhe kalendarin e ligjëratave promovuese. Ngarkohet Kryetari i Jurisë për thirrjen dhe organizimin e mbledhjeve në respektim të afateve të mësipërme.
 6. Anëtarët e Jurisë nuk mund të konkurrojnë për Çmimet Kombëtare Shkencore dhe nuk duhet të kenë konflikt interesi me konkurrentët.
 7. Sekretare shkencore e jurisë është dr. Albana Velianj, përgjegjëse e Sektorit të Botimeve dhe Bibliotekës Shkencore, e cila përgjigjet për organizimin e mbledhjeve dhe administrimin e materialeve të konkurrentëve dhe të Jurisë. Juria ka edhe sekretarinë teknike të përbërë nga asistentet e seksioneve shkencore të ASH, znj. Vitore Veli dhe znj. Anita Berberi. Sekretaria mban procesverbalet e mbledhjeve dhe mbështet teknikisht të gjitha procedurat që kryhen prej Jurisë deri në përfundim të dhënies së çmimeve.
 8. Juria ka të drejtën e një shpërblimi në përfundim të punës së saj në masën 35.000 lekë për secilin anëtar dhe 50.000 lekë për kryetarin. Paga për sekretarinë teknike është 15.000 lekë. Ngarkohet Sektori i Financës për nënshkrimin e kontratave individuale dhe përmbushjen e këtij detyrimi.
 9. Ngarkohen seksionet shkencore për ndjekjen dhe zbatimin e këtij Urdhri.
 10. Ngarkohet Sekretaria e Jurisë për administrimin dhe shpërndarjen e këtij Urdhri.
- Ky Urdhër hyn në fuqi menjëherë.

SEKRETARI SHKENCOR

VASIL S. TOLE



3 | F a c e